

ուժերը՝ միասնական ճակատով պայքարելու ժողովրդի ազատության մեծ գործի համար: Բայց զաղափարական ու քաղաքական հայացքների շփոթը, կազմակերպական տարանջատության արգելքը հաղթահարելու ուժ չունեցան հայ ազգային քաղաքական կուսակցությունները: Ներազգային համերաշխության միասնական ճակատ ստեղծելու հարցում զրոսերովում էր այդ կուսակցությունների սահմանափակ մտայնությունը:

1908 թ. արևմտահայության միջավայրում արմենական կազմակերպության հիմքի վրա ձևավորվեց մի նոր քաղաքական կուսակցություն, որը հանդես եկավ «Հայ սահմանադրական ուսմկավար կուսակցություն» անունով: Կուսակցությունն իր ծրագրային պահանջները ձևակերպելիս ելակետ էր ընդունել արևմտահայության սահմանադրական բուրժուական պառլամենտարիզմի սկզբունքները, նպատակ ունենալով դրանք «պատշաճել Թուրքիո իրականությանը»⁴⁰:

Կուսակցությունն իր հիմնադրման մասին պաշտոնական հայտարարության մեջ նշել էր, որ թեկուզ և զիջումների գնով, պետք է ձգտել զուլա բերելու անջատ գործող քաղաքական կուսակցությունների ջանքերի միավորումը՝ Արևմտյան Հայաստանում վարչական բարենորոգումներ մտցնելու համար, հիմնված եվրոպական պետությունների կողմից ճանաչված միջազգային դաշնագրերի վրա»⁴¹: Բայց շուտով փորձը ցույց տվեց, որ այդ կուսակցություններից ոչ մեկն ի վիճակի չէր հայ ժողովրդի ազատագրության գործը ղեկավարելու և արդյունավետ վախճանի հասցնելու համար:

5. ԺՈՂՈՎՐԴԱԿԱՆ ՇԱՐՈՒՄՆԵՐԻ ՎԵՐԵՎՔՆ ԱՐԵՎՄՏՅԱՆ ՀԱՅԱՍՏԱՆՈՒՄ 1905—1908 թթ.

1905—1907 թթ. ռուսական առաջին բուրժուազեմոկրատական հեղափոխությունը խոր ազդեցություն թողեց Եվրոպայի ու Ասիայի մի շարք երկրների հեղափոխական-ազատագրական պայքարի զարգացման վրա: Վ. Ի. Լենինը նշում էր, որ «1905 թ. ռուսական շարժումից հետո ղեմավարական հեղափոխությունն ընդգրկել է ողջ Ասիան՝ Թուրքիան, Պարսկաստանը, Զինաստանը: Ահում է խմորումն անգլիական Հնդկաստանում»⁴²:

Իմանալով Պետերբուրգի իրադարձությունների մասին, Արդուլ Համիդը ձեռնարկեց մի շարք միջոցառումներ, որպեսզի հեղափոխական տրամադրությունները Ռուսաստանից շթափանցեն Թուրքիա: Նրա անձնական քարտուղարի վկայությամբ, սուլթանը կորցրեց բունը, երբ իմացավ, որ «Իշխան Պոտոմկին» զրահանավթ կարմիր զորակ պարզած, լողում է Սև ծովում: Համիդը կարգադրեց թույլ չտալ, որ «խռովարարները» մտնենան թուրքական ափերին, մասնավոր ահցնել, Բոսֆոր-Գարդանեղով»⁴³: Բայց հակառակ նրա ցանկության, ռուսական հեղափոխությունը ներթափանցում էր Թուրքիա ու բռնակալության դեմ ոտքի հանում ճնշված ու կեղերված զանգվածներին: Այն

40 Արտակ Գաբրիելյան, Հայ ազատագրական շարժման օրերին, Փարիզ, 1942, էջ 192:

41 Նույն տեղում, էջ 186:

42 Վ. Ի. Լենին, ԵԺ, հ. 23, էջ 177:

43 Ю. А. Петросян, Младотурецкое движение, М., 1971, стр. 271:

արագացրեց ու ակտիվացրեց ազատագրական շարժումներն ինչպես կայսրությունից այլ շրջաններում, այնպես էլ Արևմտյան Հայաստանում:

Դեռ 1905 թ. մարտին Բիթլիսի հայերն ըմբոստացան կառավարության հարկային քաղաքականության, իսկ մեկ ամիս անց՝ սննդամթերքների թանկության դեմ⁴⁴։ Ամբոխը շարժվեց կառավարություն և պահանջեց անհապաղ իջեցնել գները։ Կուսակալը դրությունից դուրս գալու համար ստիպեց հայ վաճառականներից մեկին վաճառել իր ամբարած 4000 կոտ ցորենը ցածր գներով։ Բայց դա չմեղմեց վիճակը։ Քաղաքացիների դժգոհությունը գնալով աճեց։ Փողոցներում, անգամ կուսակալի գրասենյակի պատերին երևացին թուղիկներ, որոնք բացատրում էին, որ ներկա սովը հայ գյուղացիության տնտեսական քայքայման արդյունք է՝ առաջացած կառավարության հայալուր քաղաքականությունից։ Այնուհետև կոչ էր արվում քաղաքի բոլոր բնակիչներին միասնաբար պայքարել կառավարության դեմ։

Շուտով ոտքի կանգնեց նաև քաղաքի մահմեդական բնակչությունը։ 1905 թ. մայիսի 1-ին կանանց բաղմունքով շարժվեց զեպի կառավարչատուն և պահանջեց կարգավորել պարենամթերքների գները։ Կուսակալը կամենալով շարժումը վերածել ազգամիջյան կոիվների, կարգադրեց բռնագրավել հայերի հացն ու բաժանեց մահմեդականներին⁴⁵։ Բայց նրա փորձն ապարդյուն անցավ։

Բիթլիսցիների հաջորդ ելույթը տեղի ունեցավ 1905 թ. հուլիսի 26-ին, երբ կառավարության պահանջով կուսակալը փորձեց հավաքել նոր հարկեր⁴⁶, որը պետք է զանձեր զեռ մարտին, բայց վախենալով քաղաքացիների ընդվզող մեծերից, առժամանակ հետաձգել էր։ Բիթլիսի հայ և մահմեդական բնակիչները հրաժարվեցին նոր հարկից և բազմաթիվ բողոքի հեռագրեր ուղարկեցին մայրաքաղաք։ Սակայն կուսակալը այդ հեռագրերը կալանքի տակ դրեց⁴⁷։

Ժողովրդական ընդվզումները Բիթլիսում ավելի մեծ չափով ծավալվեցին 1907 թ. ամռանը և կրկին ուղղված էին կառավարության հարկային քաղաքականության ու սննդամթերքների թանկացման դեմ։ Հունիսի 9-ին 500 մահմեդականներ՝ զինված փայտերով ու երկաթներով, շարժվեցին պաշտոնի չաքաշահումների և կաշառակերության մեջ մեղադրվող կուսակալի բնակարանը, դուրս քաշեցին նրան փողոց և ծեծելով տարան կառավարչատուն։ Ապա հեռագրով պահանջեցին կառավարությունից հեռացնել կուսակալին իր պաշտոնից⁴⁸։ Ապստամբները երեք օր քաղաքը պահեցին իրենց ձեռքում։ Հետագիմ տարրերն այդ ժամանակամիջոցում կրկին փորձեցին շարժումը վերածել հայկական կոտորածների, բայց նրանք վերստին անհաջողություն կրեցին։

44 Տե՛ս Ռուսաստանի արտաքին քաղաքականության արխիվ, ֆ. «Քաղաքիսիվ», 1905, ց. 482, գ. 539, թ. 49:

45 Տե՛ս նույն տեղում:

46 1905 թ. կառավարությունը սահմանել էր, որ յուրաքանչյուր աշխատող, ներառյալ նաև պաշտոնյաներն ու զինվորականները, պարտավոր են ամեն ամիս պետությանը վճարել իրենց իրեր օրվա աշխատավարձը:

47 Տե՛ս ՌԱՔԱ, ֆ. «Քաղաքիսիվ», 1905, ց. 482, գ. 539, թ. 138—140:

48 Տե՛ս նույն տեղում, գ. 541, թ. 113:

վերջապես սուլթանը 1907 թ. հունիսի 12-ին ստիպված եղավ պաշտոնազրկել Բիթլիսի կուսակալին:

Հեղափոխական ընդվզումներ բռնկվեցին նաև Դիարբեքիրում: Ամբոխն այստեղ սկզբում ծառացավ տիրող անապահովության դեմ, պահանջելով պատժել ոճրագործ Իբրահիմ փաշային: 1907 թ. նոյեմբերին դիարբեքիցիները խնդիր դրին նաև կուսակալի պաշտոնից հեռացնել Աթա բեյին: Կառավարությունն ստիպված կատարեց այդ պահանջը:

1908 թ. սկզբներին Դիարբեքիրում ծայր առավ ժողովրդական նոր շարժում՝ ուղղված կառավարության հարկային քաղաքականության դեմ: Ծարժման մասնակիցները համարյա բացառապես մահմեդականներ էին: Բազմությունը հեռագիր ուղարկեց մայրաքաղաք, պահանջելով՝ իջեցնել հարկերի չափը⁴⁹:

Հեղափոխական ղեկավարներն ավելի ցայտուն արտահայտվեցին էրզրումում: Սուլթանի քաղաքականությունից դժգոհ մահմեդական վաճառականներն ու կապալառուները դեռևս 1906 թ. սկզբներին ստեղծեցին «Ջանվերիք» («Հոգի տվող») կազմակերպությունը և իրենց ձեռքը վերցրին քաղաքի բնակչության տարերային հուզումների ղեկավարությունը: Շուտով սրանց հարեցին նաև թուրքական մի շարք պաշտոնյաներ, անգամ ժանդարմներ, որոնք երկար ժամանակ աշխատավարձ չէին ստացել: Մարտի 5-ին ջանվերիքները էրզրումում ցույց կազմակերպեցին կուսակալ Նազիմ փաշայի տան առաջ: Դրությունից դուրս գալու համար կուսակալը խոստացավ կատարել նրանց պահանջը⁵⁰: Բայց մարտի 8-ին, երբ լուր ստացվեց, որ Նազիմ փաշան խաբել է ժողովրդից, և ամբոխը կրկին ոտքի կանգնեց: Ջանվերիքներն այս անգամ պահանջեցին նաև կուսակալի վտարումը:

Բազմությունը մարտի 15-ին գրավեց հեռագրատունը, կտրեց կուսակալի կապը հեռագրատան հետ և նոր հեռագիր ուղարկեց մայրաքաղաք: Մարտի 16-ին Նազիմ փաշան զորք հանեց ամբոխի դեմ, բայց զինվորները չկրակեցին: Ջանվերիքները քաղաքը վերցրին իրենց ձեռքը և բնակչության պաշտպանությունն ստանալու համար կոչ արեցին չվճարել նոր հարկը⁵¹: Սուլթանն ստիպված եղավ էրզրումի կուսակալին տեղափոխել Դիարբեքիր, իսկ այնտեղի կուսակալին՝ էրզրում:

1906 թ. ապրիլի 16-ին մայրաքաղաքից հանձնաժողով եկավ էրզրում՝ մարտյան ղեկավար քննելու համար: Այն քննությունն այնպես էր վարում, որ քաղաքի շարժումները կապվեին հայերի հետ ու այդ հիման վրա ստեղծվեց հայկական նոր սպանդ⁵²: Սակայն մահմեդականները հայտարարեցին, որ իրենք զործել են բոլորովին ինքնուրույն, իսկ հայերը հետևել են իրենց: Մայիսի 3-ին հանձնաժողովը շահանելով իր նպատակին, մեկնեց Կ. Պոլիս:

Էրզրումցիների համառու համերաշխ պայքարը տվեց իր արդյունքը. կառավարությունը պաշտոնազրկեց կուսակալ Շեքիբ փաշային և նրա փոխարեն նշանակեց Նուրի բեյին: Այսպես վերացրեց մահմեդականների անձնական հարկը:

49 Տե՛ս «Վոսադ», 1908, № 47, 73:

50 Տե՛ս ԴԱԲԱ, ֆ. «Քաղաքական», 1906, գ. 1642, ք. 25—28:

51 Տե՛ս ՎՍՍՀ ԿԳՊԱ, ֆ. 71, գ. 7, ք. 51—53:

52 Տե՛ս նույն տեղում, ք. 106—108:

ու անասնաճարկը, իսկ քրիստոնյաների՝ զինվորական հարկը⁵³։ Ներքնախավները պահանջեցին նաև դեմոկրատական այլ միջոցառումներ։ Սակայն ապրտամբների միասնական ճակատը աստիճանաբար ճեղքվեց և այդ ճեղքվածքն ավելի խորացավ, երբ ուներ մահմեդականները փորձեցին ավելի սեղմել քրիստոնյաների իրավունքները, պահանջելով նրանց դատարանների փոխարինումը մահմեդական ընդհանուր դատարանով՝ շարիաթով⁵⁴։

1907 թ. օգոստոսին ընդվզումները էրզրումում կրկին բռնկվեցին, որոնք ուղղված էին զենքի բարձրացման դեմ։ Հացավաճառները օգտվելով տիրող սովից, մեկ կոտ ցորենի զինը 25-ից հասցրել էին 50 փարալի։ Ամբոխը հաշվեհարդար տեսավ հացավաճառների հետ։ Զինվորներն ու ոստիկանները չհամարձակվեցին միջամտել, ժողովրդական ցատուփից սարսափած հացավաճառները ստիպված հացի զինն իջեցրին 30 փարալի⁵⁵։

1907 թ. աշնանը քաղաքում հուզումները դադարեցին։ Արդուլ-Համիդը ակնհայտ հաշվեհարդար տեսնել ըմբոստացողների հետ։ Կիրառվեցին մասսայական ձերբակալություններ ու հետապնդումներ։ Բանտ նետվեցին շարժման բաղմամբով մասնակիցները։ 1908 թ. հունվարի 28-ին քաղաքի քրեական դատարանը լսեց 99 ձերբակալվածների գործը. դրանցից 8-ին դատապարտեց մահապատժի, 68-ին՝ տարբեր ժամանակվա բանտարկություն⁵⁶։

Վանում ընդվզումները ծավալվեցին 1906 թ. գարնանը։ Քաղաքի փողոցներում ու հրապարակներում երևացին թուուցիկներ, որոնք կոչ էին անում մահմեդականներին պայքարի սլաքն ուղղել ընդդեմ կառավարության։ Բռուցիկներից մեկում ասվում էր. «մենք մինչև այժմ կուրորեն ենթարկված լինելով կառավարության հարստահարությանց ու ճնշումներուն, կը կարծեինք, թե արդեն այս էր մեր ճակատագիրը՝ որուն մինչև վերջ պարտավոր ենք հնազանդիլ։ Իսկ այժմ բացված են մեր մտքերն ու աչքերը, և մենք ալ ենթարկվելով հայերու վիճակին ու բախտին, կը ձայնակցենք անոնց բողոքներուն... Անուղղակի տուրքերը, դատարանական զեղծումները, կաշառակերություններն ու ամբողջ պաշտոնական խայտառակությունները մեր ժողովուրդը ծայր աստիճան թշվառության ու հետամնացության մատնեցին՝ որոնց այլևս չենք կարող դիմանալ»⁵⁷։

Ոստիկանները պոկում էին թուուցիկները, հավաքում ու ոչնչացնում էին դրանք, ձերբակալում կասկածելիներին ու բանտ նետում։ Այնուհետև, ցանկանալով ողջակիզել «խռովարարներին» ու դրանով արմատախիլ անել այդ բողոքները, իշխանությունները 1906 թ. հուլիսի 1-ին հրդեհեցին բանտը, Դա ավելի բորբոքեց զանգվածների ցատումը և նոր ընդվզումների առիթ ծառայեց։ 1907 թ. հունվարի 29-ին Վանի հայ բնակչությունը զինեց Կ. Պոլսի պատրիարքին, խնդրելով միջնորդել կառավարության առաջ մեղմելու հարկային ճնշումները։ Բ. զուրը մերժեց պատրիարքարանի միջնորդությունը,

53 Տե՛ս ՌԱԹԱ, ֆ. «Քաղաքիկ», գ. 1643, թ. 56։

54 Տե՛ս Լույն տեղում, թ. 86։

55 Տե՛ս ՎՍՄՀ ԿՊԱ, ֆ. 521, ց. 9, գ. 8, թ. 22—25, «Մշակ», 1907, № 134—135։

56 Տե՛ս ՌԱԹԱ, ֆ. «Կ. Պոլսի զեպանություն», 1908, գ. 2676, թ. 16—17։

57 «Մշակ», 1906, № 6, էջ 54։

սակայն փորձելով խուսափել դեպքերի բարդացումից, 1907 թ. սեպտեմբերին պաշտոնազրկեց կուսակալին:

Դեռ չէին վերջացել հակակառավարական այդ ընդվզումները, երբ Վանի մի շարք արհեստանոցներում բռնկվեց բանվորների ու աշակերտների շարժումներն իրենց տերերի դեմ: 1907 թ. հոկտեմբերին կահույքագործները գործադուլ հայտարարելով՝ պահանջեցին աշխատավարձի բարձրացում և ղրժ-բախտ դեպքերի կամ պատահարների փոխհատուցում⁵⁸: Համարյա նույն ժամանակ Վանում գործադուլ հայտարարեցին նաև կոշակահարները, Համառոթյան շնորհիվ նրանք հասան մի շարք նվաճումների (կրկնապատկվեց աշխատավարձը, կրճատվեց աշխատանքի տևողությունը, նշանակվեց վարձատրություն նաև այն դեպքում, երբ գործավորները պարապ էին մնում տերերի մեղքով):

1905—1908 թթ. հեղափոխական տրամադրությունները թափանցեցին Արևմտյան Հայաստանի նաև մյուս բաղադրները: Սվազում նրանք ստիպեցին կառավարությանը վերացնել նոր հարկը⁵⁹, իսկ խարբերող մահակադրեցին ձեռնարկատերերին բարձրացնել բանվորների աշխատավարձը⁶⁰, Կյուրիեում 1907 թ. գործադուլ հայտարարեցին շուրջ 2000 կտավագործներ և պահանջեցին տնտեսական վիճակի բարելավում: Երբ պայքարն ընդունեց համառոնույթ, ձեռնարկատեր-վաճառականները որոշ զիջումներ կատարեցին⁶¹:

Քաղաքների հետ միաժամանակ մասսայական շարժումներ ծավալվեցին նաև Արևմտյան Հայաստանի գյուղերում: Կարճևեռում գյուղացիները 1905 թ. գարնանը բողոքելով Մուսա բեյի ոտնձգությունների դեմ, պահանջեցին հեռացնել նրան իրենց գավառից: Սակայն իշխանությունները զանց առան նրանց պահանջը, իսկ Մուսա բեյը վրեժխնդիր եղավ բողոքողներից: Վանի սահմակի Կուտաբազ գյուղի բնակիչները 1907 թ. սկզբներին ծառացան պետական հարկերի ծանրության դեմ⁶²:

Թիմարի գավառի Ալյուր գյուղի հայերը նույն թվականի փետրվար-մարտամիսներին ներկայացան Վան և, զանգատվելով հարկահանների վայրագություններից, պահանջեցին պատժել նրանց:

Խնուում 1907 թ. մայիսին ըմբոստացան հայաբնակ մի շարք գյուղեր և պահանջեցին դադարեցնել մուհաշիրների բնակեցումը իրենց գավառում: Նույն ժամանակ կառավարության հարկալիք հարստահարումների դեմ զուրահեղան նաև Արաղալի նոր գյուղի բնակիչները: Սակայն իշխանությունները ճնշեցին նրանց շարժումը, իսկ ղեկավարներին բանտարկեցին:

1907 թ. մայիսին թուրքական ռեժիմի դեմ ըմբոստացան Բուլանըխի հայաբնակ գյուղերը: Նրանց գյուղապետներն ու բահանները մեկնեցին Բիթլիս և պահանջեցին կուսակալից՝ կամ սանձահարել պաշտոնյաներին, զինվորներին, աղաներին ու նրանց հրոսակներին և թեթևացնել իրենց վիճակը, կամ

58. Տե՛ս «Մշակ», 1907, № 148:

59. Տե՛ս ՎՍՍՀ ԿԳՊԱ, ֆ. 71, գ. 7, թ. 60:

60. Տե՛ս Վանի Հայի, խարբերող և անոր ոսկեզեղի գաշտը, էջ 616—617:

61. Տե՛ս «Երկրի ձայն», 1907, № 70, էջ 4—5:

62. Տե՛ս «Հեկա», 1907, № 2, էջ 19:

թույլ տալ գաղթելու Կովկաս: Սակայն կուսակալը կարգադրեց բողոքողներին ծեծելով բշիլ իրենց գլուղները⁶³:

1907 թ. ամռանը թուրքական ոստիկանությունը զենք փնտրելու պատրուկանով ներխուժեց Մուշի սանջակի Հերկերտ գյուղը և գյուղապետ Սլույից պահանջեց հանձնել զենքերը: Մերժում ստանալով ոստիկանները ծեծեցին նրան: Ազատվելով ոճրագործների ձեռքից, Սլույ իր համախոհներով բարձրացավ լեռը և կոխվ սկսեց նրանց դեմ: Մի քանի անգամ նա ետ շարտեց թշնամու գերազանց ուժերը, սակայն չկարողանալով դուրս գալ պաշարումից, իր զինվորների հետ միասին ընկավ քաջի մահով:

1908 թ. փետրվարին Սասունի, Բուլանլիսի, Վարդուշի, Ախլաթի և Մոտկանի բաղամթիվ գյուղերի ներկայացուցիչներ զնացին Բիթլիս, բողոքելու պաշտոնյաների ու աղաների վայրագությունների դեմ:

Քրդիում մի շարք գյուղերի բնակիչներ Հագստան գյուղի հայերի նախաձեռնությամբ ու ղեկավարությամբ 1908 թ. ընդվզեցին իրենց աղայի դեմ⁶⁴:

1908 թ. ձմռանը ոտքի ելան նաև Աղլւնազի Առնե գյուղի հայերը: Նրանք պահանջեցին Հյուսեին փաշայից պետական տասանորդը հավաքելիս սահմանվածից ավելին չվերցնել: Սակայն փաշան, ի պատասխան այդ «հանդդոնություն», սպառնաց բողոքողներին՝ երեքին: Այն ժամանակ գյուղացիները պնացին Վան և պահանջեցին պատժել հանցագործին: Առնեցիները 6—8 ամիս բախեցին իշխանությունների զոնները և արդյունքի չհասան⁶⁵:

Գենջում 1908 թ. ապրիլին գյուղացիներն ըմբոստացան համիդեական զեղերի վայրագությունների դեմ: Գենջեցիներին հանգստացնելու համար կուսակալը կարգադրեց կազմել հատուկ հանձնաժողով և ուսումնասիրել նրանց բողոքը: Սակայն հանձնաժողովի նախագահը, մեծ զուսմար ստանալով համիդեականներից, հայերի բողոքներն անհիմն համարեց և մի քանիսին էլ հանձնեց ոստիկանությանը⁶⁶:

Բացի նշված շրջաններից, արևմտահայ գյուղացիական ելույթներ տեղի ունեցան նաև երկրի այլ վայրերում: Հատկանշական է, որ մի շարք տեղերում հայ գյուղացիներին միանում էին նրանց հարևան թուրքերն ու քրդերը և համատեղ պայքարում համիդյան բռնապետության դեմ: Այսպես, Չմշկաձաղում 1907 թ. սեպտեմբերին հայ ու թուրք գյուղացիները հարձակվեցին դավաճապետի վրա և վոնդեցին կառավարչատնից: Վանի գավառում նրանք ցույցի դուրս գալով, բողոքեցին կառավարության հարկային հարստահարումների և պաշտոնյաների կամայականությունների դեմ: Նման պայքար հայ ու թուրք գյուղացիները ծավալեցին նաև Մուշի դաշտում, Բարերդի դավաճակում և այլ վայրերում⁶⁷, իսկ Դիարբեքրի շրջակայքում 1907 թ. աշնանը նրանք միասնաբար ոտքի ելան տխրահռչակ Իրրահիմ փաշայի ասպատակությունների դեմ⁶⁸:

63 Տե՛ս «Դրոշակ», 1907, № 6—7, էջ 91

64 Տե՛ս «Վտակ», 1908, № 28:

65 Տե՛ս «Մշակ», 1908, փետրվարի 2:

66 Տե՛ս ԲԱԲԱ, ֆ. «Քաղաքիկ», 1903, ց. 482, թ. 46, 52:

67 Տե՛ս ԲԱԲԱ, ֆ. «Գոյի դեպատություն», 1907, ց. 517, գ. 1400 ր, թ. 3, «Վտակ», 1908, № 70:

68 Տե՛ս ԲԱԲԱ, ֆ. «Քաղաքիկ», 1907, ց. 482, գ. 541, թ. 276:

Այդուհանդերձ, 1905—1908 թթ. Արևմտյան Հայաստանում տեղի ունեցող ժողովրդական ընդվզումների ժամանակ քաղաքի աշխատավորության պայքարը իբրև կանոն կտրված էր գյուղացիական ու զինվորական հուզումներից: Երկրի պրոլետարիատը դեռ չէր կազմակերպվել որպես քաղաքական ուժ: Գյուղացիական ելույթները կրում էին տարերային բնույթ, ունեին տեղական նշանակություն և հանդես էին գալիս իրարից անջատ-անշատ: Չնայած այդ բոլորին Արևմտյան Հայաստանի աշխատավորները հասան որոշ արդյունքի, ստիպելով կառավարությանը որոշ չափով թեթևացնել հարկային բեռը, փոփոխել ատելի կուսակալներին և այլ պաշտոնյաներին, իջեցնել պարենամթերքների գները և այլն:

Արևմտյան Հայաստանի աշխատավորության ելույթները, հանդիսանալով XX դարի սկզբին Քուրդիայում ծավալված սոցիալական ու ազգային-ազատագրական պայքարի բաղկացուցիչ մասը, նպաստեցին արյունարբու Արդուլ Համիդ II տապալմանը: